

րատւութեան, ուսուցիչների և աշակերտների կենացները, որոնք բուռն ծափահարութեամբ և կեցցէներով ընդունուեցան: Իւրաքանչիւր անգամ խումբը նուագում էր այլ և այլ ազգային երգեր: Երրորդ լսարանի ուսանող Քիւրքեանը կարգաց իւր շարադրութիւնը — «Գիտութեան ազդեցութիւնը բարոյականութեան վերայ» վերնագրով: Կարգացուեցան մի քանի յարմար ոտանաւորներ մեր յայտնի բանաստեղծներից: Ժամի 12-ին Սրբ. Տեսուչը փակեց հանդէսը օրհներով և քաջալերելով աշակերտներին:

Պ Ա Ջ Տ Օ Ն Ա Կ Ա Ն Ք

ՔԱՂՈՒԱՄՔ ՍԻՆՕԴԻ ՕՐԱԳՐՈՒԹԻՒՆՆԵՐԻՑ:

2. Հոկտեմբ. Սինօդի պ. պրօփուրօրը բացակայելով Թիֆլիս՝ նրա պաշտօնը մայիսի 31-ի օրագրով յանձնուած էր Սինօդի Ատենադպիր պ. Սիմէոն Փիլիպոսեանցին, իսկ վերջինիս պաշտօնը յանձնուած էր Կառավարչական մասի գործաւար պ. Գաբ. Սմբատեանցին, որը վարելու էր նաեւ իւր պաշտօնը: Այժմն պ. պրօփուրօրը վերադարձած լինելով իւր արձակուրդից, իւրաքանչիւրը յիշեալ պաշտօնեաներից ստանձնում են իրենց բուն պաշտօնները:

4. Հոկտ. Մուղնի գիւղի այս տարուայ վարձկալը՝ պ. Ստեփանոս Համազասպեան հասուցած լինելով Մայր Աթոռի շտեմարանին տարեկան կապալագինը՝ քսան երկու խալուար ցորեն, յետ ստացաւ իւր գրաւականը՝ հարիւր տասն ռուբլի:

4. Հոկտ. Յանձնուեց Գեր. Գրիգոր Եպիսկոպոս Աղափիրեանցին քահանայ ձեռնադրել իւր որդեգիր դպիր Կարապետ Տէր-Յակովբեանցին Գողթն գաւառի Ազա գիւղի վրայ: Այս դպիրը ծնուած է 1864 թ. նոյն Ազա գիւղում և սովորել է նոյն Գրիգոր Արքեպիսկոպոսի մօտ՝ Պատմութիւն Ս. Գրոց, Հայոց և Ռուսաց լեզու, Բնագ. Աշխարհագրութիւն, Հայոց և Բնական պատմութիւն, Թուաբանութիւն, ձայնագրութիւն և գեղագրութիւն:

4. Հոկ. վաղիկաւկառի Մինաս քահանայ Միրանեանցը Սինօզի 26 յուլիսի օրագրով ենթարկուած էր երկամեայ ապաշխարութեան եկեղեցու դրան առաջ: Այժմն Աստրախանի Կօնսիստօրիայից ոտանալով վաղիկաւկառի ժողովրդականների աղերսագիրը, որի մէջ յիշուամ են նաև յիշեալ քահանայի յօգուտ եկեղեցու և ուսումնարանների արած աշխատութիւնները և զիջանելով ժողովրդի խնդրին մեղմացրուեց նրա պատիժը, ազատելով նրան բոլորովին ապաշխարութիւնից և ենթարկելով միմիայն 20 ռուբլի տուգանքի յօգուտ Աստրախանի թեմի հոգևորականների որբերի և այրիների գանձանակին:

8 Հոկտ. Մայր Աթոռի փաստաբան պ. Ռուբէն Հասան Զաւալեանցին տրուեց 250 ռուբլի ճանապարհածախս, որ պարոնը ներկայ լինի Նախիջևանի գաւառի կալուածական վէճերի քննութիւններին հոկտեմբեր և նոյեմբեր ամիսներում: Կարմիր վանքի կալուածների գործի քննութիւնը նշանակուած է հոկտեմբերի 14-ին, Թաղաքեանդինը 2-ին, փորագաշտինը—նոյեմբերի 8-ին, Ռամիսի սուրբ Սարգսինը—13-ին և Բիստ գիւղինը 25-ին: Ընդամենը 5 գործ և իւրաքանչիւր գործի համար 50 ռուբլի ճանապարհածախս, պ. Հասան Զաւալեանցի հետ ունեցած պայմանի (20 մարտ, 1889 թ.) 4-ր յօդուածի համաձայն: Պ. փաստաբանը իւրաքանչիւր գործի քննութեան հետեւանքի մասին առանձին առանձին յայտնելու է Սինօզին ի գիտութիւն:

9 Հոկտ. Ալէքսանդրապօլի վիճակային փոխանորդ բարեշնորհ Գարեգին վարդապետ Սաթունեանցին միամեայ արձակուրդ է տրուում Թիֆլիս գնալու բժշկութեան համար:

9 Հոկտեմ. Պատուիրուեց Նուխուայ փոխանորդ բարեշնորհ վահան վարդապետ Տէր-Գրիգորեանցին՝ փոխադրել Մելքիսեդեկ քահանայ Յովսէփեանցին Զորլու գիւղից Նուխի քաղաքը, ս. Մինաս եկեղեցին, իսկ Զորլու և Միրզաբէկլու գիւղերում կարգել ուրիշ քահանայ: Տէր-Մելքիսեդեկ քահանան չէր կարողանում տանել

Ջորլու և Միրզաբէկլու գիւղերի օգն ու ջուրը, ս. Մինաս եկեղեցու ժողովուրդը ցանկութիւն էր յայտնել նրան քահանայ ունենալու և վերջապէս ս. Մինասի ծխականները լինելով 450 տուն, մի քահանայով գփուարանում էին կառավարուել:

9 Հոկտեմ. Տիտուկեարնի սովեանիկ խաչատուր Տէր-Խաչատրեան ընդունուեց զիւանական աստիճանաւոր, երեւանի կոնսիստորիայում առանց ռոճկի ծառայելու պայմանով:

9 Հոկտ. իւր խնդրի համաձայն բարեշն. Գէորգ արեղայ Ռշտունին արձակուում է անտեսութեան պաշտօնից և կարգուում է վերակացու հացատան Մայր Աթոռոյս: Տնտեսութիւնը յանձնուում է բարեշնորհ Ներսէս Աբեղային, իսկ մառանապետութիւնը բարեշնորհ Յովհաննէս վարդապետ դպիր վարդանեանին:

9 Հոկտմ. Հրամայւում է վանական կառավարութեան օրինաւոր անդրախօսութեամբ վարձով տալ վաղարշապատի շուկայից դուրսը գտնուած հացագործութեան երկու կրպակները, որոնց վարձկանութեան ժամանակը լրանում է առաջիկայ 1892-թ. յունուարի 20-ին:

11 Հոկտմ. Պատուիրուում է Թիֆլիզի կոնսիստորիային թոյլ տալ Ախալցխայի Ղազարոս քահ. Պահլաւունուն գնալ Սպահան ուսուցչութեան պաշտօնով միամեայ ժամանակով: Քահանայի ժողովրդի հովուութիւնը յանձնել մի ուրիշին: Ղազարոս քահանան հրաւիրուած է Պարսկաստանի գեր. Եսայի Սրբազան Առաջնորդից:

11 Հոկտմ. Տաթևու յաջորդութեան Ղարաբլիխայ գիւղի քահանայորդի խաչատուր Տէր Սիմէօնեանցի քահանայութեան գործը զազարեցնում է այս քահանայացուի մահուան պատճառով:

11 Հոկտմ. Ղարաբաղի խանապատ գիւղի Միքայէլ քահ. Բազալեանցը զիմել է խնդրագրով Սինօդին, գանգատուելով իւր

Ժողովրդի աղքատութեան, քաջանայական հասոյթների նուազութեան և գերդաստանի բազմաթիւ անդամներին սնուցանելու ու կրթելու դժուարութեան վրայ և խնդրում է տեղափոխել իրեն Անդրկասպեան երկիրը՝ Մերվ քաղաքը: Ս. Աինօգը մերժեց նրա խնդիրքը, յիշեցնելով որ իւրաքանչիւր քաջանայ պարտական է մնալ իւր ժողովրդեան մէջ:

11 Հոկտ. Նախիջևանի (Հին) յաջորդ բարեշնորհ Գրիգորիս վարդապետից յետոս պաշանջուեց 158 ռուբլի գումարը, որ գոյացած էր Ելիսաւետապօլու թեմի Աւագ Ս. Նշան և Պանդալեոն բժիշկ ուխտատեղիների արդիւնքից և տրուեց Գետաշէնու դրպրոցին: Այլ և ազգարարուեց ի զգուշութիւն յիշեալ վարդապետին, որ իւր պատճառաբանութիւնները անտեղի էին և Ելիսաւետապօլու Հոգեւոր Կառավարութեանը գրած թղթերի ոճը՝ անվայել:

11 Հոկտ. Սարգիս քաջանայ Սրբէլեանցը զրկուում է Հոգեւորական բոլոր աստիճաններից և յանձնուում է մարմնաւոր իշխանութեան, Սիրիւր աքսորուելու համար: Յիշեալ քաջանան դատուել է և դատապարտուել Թիֆլիսի նախնադական դատարանում օրինաց 556 յօդուածով նախատեսուած յանցանքի համար:

14 Հոկտ. Երևանի Կոնսիստորիային հրամայուում է յանդիմանել Տէր-Գէորգ քաջանայ Թաղիանոսեանցին և Տէր-Ստեփաննոս քաջ. Տէր-Գրիգորեանցին, որոնց անզգուշութիւնից առաջացել է այն, որ Այնալու գիւղի բնակիչ Յովհաննէս Շահգեալդեանին տրուել է երկու վկայագիր, մինը մետրիքական վկայական, միւսը «աղաւթ»: Երկու վկայագրերը գլխովին հակասում են միմեանց: Մէկի վկայութեամբ Յովհաննէս Շահգեալդեանցը ծնուած է 1868-ին, միւսի վկայութեամբ՝ 1870-ին: Էջմիածնի գաւառի զինուորական Ատենում նկատուելով այս հակասութիւնը՝ հաղորդուեց Աինօգին, և քննութիւնից երևեց, որ 1870 թուի տումարում գրուած սխալ տեղեկութեան հեղինակ քաջանան վախճանուած է:

14 Հոկտ. Թիֆլիսի Կոնսիստորիայի առաջարկութեան համաձայն Իգդիրցի Արշակ Մինասեանցը ուսումնաւարտ հերսիսեան դպրոցի և ուսուցիչ, ազատուում է հարկատուութիւնից և մոնում է հոգեւորականների կարգը, իբրեւ սպասաւոր Ախալքալաք քաղաքի եկեղեցու:

14 Հոկտ. Վլադիկաւկասի նահանգական դատարանի պրօկուրօրն սեպտ. 11-ին, ընդ համարաւ 6025 ուղարկել է Ս. Սինօզը մի գրութիւն, որը պարունակում է Ղլարցի 2-դ կարգի վաճառական հանգուցեալ Աւագ Թորոսեան Ֆիլեանցի կտակի քաղուածքը: Հանգուցեալի կտակակատարն է Մկրտիչ Մուլթանեանց Ղլարցին: Քաղուածքից երևում է, որ հանգուցեալը կտակել է ա) 1000 ռուբլի Ղլարի Հայոց դպրոցին, բ) 1000 ռ. Ղլարի Բարեգործական ընկերութեան, գ) 2000 ռ. Գէորգեան ճեմարանին, դ) 300 Ղլարի քահանաներին, ե) 150 ռ. իւր ծխատէր քահանային՝ Տէր-Սահակ Պոպովեանին, զ) 300 ռ. Ղլարի Հայոց գերեզմանատան եկեղեցու նորոգութեան համար, է) 250 ռ. Էջմիածնի միաբանութեանը, ը) 250 ռ. Ղլարի ս. Գէորգ վանքին, թ) 500 ռ. Բագուայ Մարգասիրական ընկերութեանը, ժ) 1500 ռ. իւր թաղման և գերեզմանի արձանի համար: Հրամայուեց Աստրախանի Կոնսիստորիային՝ ստանալ կտակակատարից Մայր Աթոռին հասնելիքը և հսկել կտակի կատարմանը:

16 Հոկտմ. Ս. Սինօզում ստացուեց Տեղակալ Սրբազանի առաջարկութիւնը (15 հոկտմ. թ. 31), որի մէջ ասւում է. «Կովկասի քաղաքական մասի պ. կառավարչապետը իւր գրութեամբ (10 հոկտմ. թ. 516) ծանուցանում է ինձ, որ ԹԱԳԱԻՈՐ ԿԱՅՈՐԸ ներքին գործոց Նախարարի ամենահպատակօրէն ղեկուցման համաձայն, անցեալ սեպտեմբերի 19-ին ԲԱՐՁՐԱԳՈՅՆՍ Բարեհաճել է հաստատել՝ Վրաստանի և Իմերէթի Հայոց վիճակի նախկին Առաջնորդ Արիստակէս Եպիսկոպոսին, Ելիսաւետօպոլի Յաջորդ Գրիգորիս Աղուանեանց Եպիսկոպոսին և Ս. Գայանէի վանքի վանահայր Բարդուղիմէոս վարդապետ Գէորգեանին Ս. Էջմիածնի Սինօզի անդամութեան պաշտօնում: Այս ԲԱՐՁՐԱԳՈՅՆ կարգադրութիւնը ծա-

նուցանելով Սինոդիդ առաջադրումեմ անել պատշաճական տնօրինութիւն գերապատիւ եպիսկոպոսներին և բարեշնորհ վարդապետին իրենց պաշտօնները վարելու հրաւիրելու համար: Այլ և յայտնումեմ ի գիտութիւն, որ հեռագրել եմ արդէն Սրբազան Գրիգորիս եպիսկոպոսին յանձնել բոլոր յաջորդական գործերը ելիսաւետոյօլու Հոգևոր Կառավարութեանը և փութալ Էջմիածին: Սինոդը սահմանեց. Էջմիածնում ներկայ եղող գեր. Արիտակէս եպիսկոպոս Սեդրակեանին և բարեշնորհ Բարդուղիմէոս վարդապետին հրաւիրել սահմանած կարգով հաւատարիմ ծառայութիւն երգուելու իրենց նոր պաշտօնում ՆՈՐԻՆ ԿԱՅՍԵՐԱԿԱՆ ՄԵԾՈՒԹԵԱՆ, իսկ Գրիգորիս սրբազանին երգման հրաւիրել, երբ նա կը ժամանէ Էջմիածին:

18 Հոկտ. Արուիհետե ԲԱՐՁՐԱԳՈՅՆ կարգադրութեամբ Սինոդի Անդամ և Մայր Աթոռիս զանձապահ Ներսէս եպիսկոպոսը արձակուելով իւր պաշտօններից աքսորումէ Ռուսաստան, նրա տեղը զանձապահ կարգուեց Անդամ Սինոդի՝ բարեշնորհ Բարդուղիմէոս վարդապետը, որին պատուիրուեց օրինաւոր ցուցակով՝ Տէր Տեղակալի և Անդամների ներկայութեամբ, ընդունել բոլոր հաշիւները, զանձարանի մուտքն ու ծախսը գրել միշտ ժապաւինեալ տոմարներում Սինոդի գրաւոր հրամանների համաձայն, բնաւ երբէք չը տալով դրամ որ և է մէկին առանց Սինոդի թոյլտուութեան:

24 Հոկտ. Պատուիրուեց Երևանի Կոնսիստորիային «կատարողական թերթով» ծախել չը տալ Ղարսեցի պ. Հ. Ռաշմաջեանցի տները, այլ պահանջել նրանից որ օրէնսդրական կարգով գրաւ դնելով իւր կալուածքները՝ խոստանայ չորս տարուայ ընթացքում վճարել իւր 1600 ռ. պարտքը Կարսի ս. Աստուածածին եկեղեցուն, իսկ եթէ պ. Ռաշմաջեանցը չը համաձայնի, այն ժամանակ կատարողական թերթով արգելք դնել նրա տների վարձի վրայ մինչև եկեղեցու պահանջի լրումը:

24 Հոկտ. Թոյլ տրուեց Թիֆլիսի թեմի Խանդօ գիւղի բնակիչ՝

Գշխուհի Նուրջանեանցի և Զաքարիայ Շիրինեանցի պսակը, նախապէս ենթարկելով նրանց երեք ամիս ապաշխարանաց եկեղեցու գրանը, ապօրինի կենակցութեան համար:

25 Հոկտ. Բջնի գիւղի վարձկալը պ. կապիտան Ալեքսանդր Մելիք Աղամալեանը յանձնած լինելով վանական կառավարութեան անդամ Ներսէս վարդապետին այդ գիւղի տարեկան վարձը՝ հարիւր քառասուն խալուար ցորեն, հրամայուեց գանձապահին յետ տալ նրա գրաւականը:

25 Հոկտ. Մողնու ս. Գէորգ վանքի վանահայր և Ապարանի գործակալ Ղուկաս արեղայ եղիազարեանցը լինելով քննութեան տակ, նրա փոխանակ վանահայր և գործակալ կարգուեց Աշոտ արեղայ Շախիեանցը:

26 Հոկտմ. Ագուլեաց Ս. Թովմայի վանքի կալուածքները խլելու համար Տնակերտցիների յարուցած վէճը քննելով Ս. Սինօղը հրամայեց. պահպանել այդ վանքի բոլոր կալուածքները, բացի Տնակերտ գիւղի շինամիջոցով գտնուած «աւերակ» կոչուած հողից, որն և Ագուլեցիների հաճութեամբ ընծայել Տնակերտի եկեղեցուն, այն պայմանով որ Տնակերտցիք հրաժարուեն յիշողական դատաւարութիւնից և երկու տարուայ ընթացքում այդ գետնի վերայ գարոց շինեն: Հրամայուեց Ս. Թովմայի վանքի բոլոր վարելահողերը վարձով տալ օրինաւոր հրապարակական աճրդախօսութեամբ:

30 Հոկտմ. Ս. Սինօղը վաւերացրեց Ս. Գայիանէի վանքի վանահօր և Պղատոն ու Գրիգոր Մելքոնեանների պայմանաթուղթը, որով վանքի այգին տրւում է վարձով իննը տարով:

30 Հոկտմ. Ղարաբաղի Տոյ գիւղի քահանայացուի Աղեքսանդր Տէր Բարսեղեանցի գործը դադարեցւում է նրա մահուան պատճառով:

30 Հոկտմբ. Մայր Աթոռիս Միաբանութիւնը կարեկցելով Ռուսաստանի սովեալների դառն վիճակին, կարևոր համարեց վանքի արդիւնքներից օգնութիւն ուղարկել նրանց 1000 թուրքի, որն և Սրբազան Տեղակալը առանձին գրութեամբ ուղարկեց Երևանի պ. Նահանգապետին խնդրելով հասուցանել ուր հարկն է:

30 Հոկտմբ. Հրամայուեց գանձապահին տալ տասն հազար թուրքի վանական կառավարութեանը վանքի, ճեմարանի և Տպարանի հոկտեմբեր ամսուայ ծախքերի համար: Անցեալ ինն ամիսների ընթացքում վանական կառավարութիւնն ստացել է գանձարանից եօթանասուն և ութ հազար թուրքի, որ այս տառն հազարի հետ անում է ընդամենը ութսուն և ութ հազար թուրքի:

30 Հոկտմբ. Տպարանական խորովը յայտնում է Սինոդին թէ ուղարկել է 1892 թուականի համար չափաբերական, խոստովանութեան և երիցփոխանական տուժարներ եկեղեցիներին, Երևանի թեմը 1326 օրինակ, Տփլիսի թեմը 871 օրինակ, Բեսարաբեայի թեմը 115 օրինակ, Աստարխանինը 114 օրինակ, Ղարաբաղին՝ 603 օրինակ, Շամախունը՝ 117 օրինակ, ընդամենը 3146 օրինակ, որոնց գները կոնսիստորիաները ուղարկելու են Սինոդ:

1 Նոյեմբ. Գեր. Գրիգորիս եպիսկոպոս Աղուանեանցը ժամանելով Էջմիածին, հրաւիրուեց Սինոդի Ատեան, երդում ընդունելու և իւր նոր պաշտօնը՝ Սինոդի անդամութիւնը՝ վարելու համար: